



濟北晁先生雞肋集卷第二

古賦五首

北渚亭賦



北渚亭熙寧五年集賢校理南豐曾侯鞏守  
齊之所作也蓋取杜甫宴歷下亭詩以名之  
所謂東藩駐早蓋北渚凌清河者也風雨廢  
久州人思侯猶能道之後二十一年而秘閣  
校理南陽晁補之來承守之候於補之丈人  
行辱出其後訪其遺文故事屋有存者而圃

多大永歷下亭又其最高處也舉首南望不  
知其有山嘗登所謂北渚之址則群峰屹然  
列於林上城郭井閭皆在其下陂湖迤邐州  
原極望因太息語客想見侯經始之意曠然  
可喜非特登東山小魯而已迺撤池南葦閣  
壞亭從而復之或請記其事補之曰賦可也  
作北渚亭賦其詞曰

登爽丘之故墟兮睇岱宗之獨立根旁礪而  
維坤兮交扶踈而走隰踰琅玕與鉅野兮梁

清濟而北出前溪漫而將屯兮後嶺嶽其相  
襲坳者扈者嶧者岫者礪者障魯屏齊  
曰惟歷山或肺腑之箕拱環連勢厓絕而脉  
泄兮萬源發於其間谷射沙出浸淫漶澆  
滂汨泌澎潭渤滴急漢起而成川經營一國其  
利汾澮防為井沼壑為確磴得平而肆迺混  
漾而滂沛經民間而貫府舍兮渚為池之千  
畝惟守之居而巖背阻邈闔閭之遺址兮肇  
嘉名乎北渚悲經始之幾何兮牛羊牧而宇

顛非境勝之為難兮善擇勝之為難嘗試觀  
夫其園千章之荻合抱之楊立而成阡躋歷  
下之岩窈望南山之孱顏修幹大枝出欄造  
天藐礪砢之蔽虧乍髣髴其雲烟思僊人之  
樓居尚輕舉而高翻盍駕言其北游登斯渚  
而盤桓崗岫忽其翔舞款楊眇以如箸撫千  
里於一瞬收城郭乎環堵其下坡湖汗漫葭  
蘆無畔菱荷荇藻蘅荃杜蘅衆物居之浩若  
煙海歲秋八月草木始衰乃命曷曷觀漁其

睢鳴榔四合方舟順涯鱣鯉窘乎深塘兮鴻  
鴈起於中泚復有桂舫蘭棹浮游其中榜歌  
流唱自西徂東纖餌投隈微鱗掛空客顧而  
嬉傾盃倒鍾明月出於缺巔夕陽眇其微紅  
天耿々而益高夜寒々其方中駭河漢之衝  
波披海岱之冷風恐此樂之難留兮願乘槎  
乎星渚期韓終與偓佺兮采芝英乎瑤圃庶  
忘老而遺死兮終漫々其修阻於是酒含太  
息中座語客曰自昔太公奄有此丘是征五

侯相公用之攘夷尊周方其盛時山河十二  
號稱東秦臨菑遨樂中具五民秋田青丘實  
園海濱而薛又其小邑也區區之賦食三千  
人其彊孰與比哉觀華不注竭其孤嶽虎牙  
桀立芙蓉菡萏尚想三周追奔執羈下車取  
飲僅以身免困責質於蕭同尚何私乎紀獻  
而齊自是亦不統矣夸奪勢窮雖彊安在事  
以日遷而山不改則物之可樂固不可得而  
留也認而有之來不可持所玩無故去何必

悲此齊侯之所雪涕而晏子之所竊嗤也今  
我與客論古人則知迷屬有感而歔歔豈不  
重惑也哉仕如行賈孰非逆旅託生理於四  
方固朝秦暮楚曾無必於一笑尚何知乎千  
古於是客輒然喜再拜舉觴而前曰凡主人  
言理實易求而我曠然已忘昔憂使客常滿  
使酒不空請壽主人如漢孔公主主人亦輒然  
喜受飲反傷執客之手而言曰詩固有之未  
見君子憂心忡忡既見君子云乎不樂再拜

洗觴而酬客舍然大笑

是是堂賦

是、堂彭城劉子羲仲之所作也劉子讀古人書則曰文王我師也周公豈欺我哉處今行已則欲既有道而正焉柳荀子所謂是、非、謂之智者以名其堂而居之而南陽晁子補之聞而疑之曰劉子果於自信果於不信人也哉夫理無常是事無常非使天下舉以為非而劉子獨曰是將誰使取正使天下舉

以為是而劉子獨非之安得力而勝諸嘗與劉子問津於無可無不可之塗而弭節乎兩忘之圃夫安知吾是之所在故賦其名而連犴其義則標吾戈以伐我者遠矣其詞曰隘區中之無覩兮邈荒忽以遠來軼太始以為元兮日與月之幾周本獲鼎之雅筴兮四千歲具已多謂過此或不遠兮世倏睎而謂何紛蛇身與牛首兮詭變化之莫原神與民其雜糅兮或傳之於余先川東南而辰西北兮

余不知其何故憐絕維與折桂兮又孔氏所  
不語恭湯革之相質兮駭一世以共疑一身  
吾不自識兮疇莫覲而能知遭吾軒乎八埏  
兮旋吾舳乎四海斲不死之遺氓兮稽吾聞  
之所在曰七聖至此而競迷兮羌誰使之正  
女媧輕舉而遠游兮吾將從巫咸之所處離  
屯雲以衛厲兮前犇霆使抗旌王良御以躡  
躔兮河鼓隱其砦磷涉橫潢而擢淹兮借斗  
車而轟之九虬蜿以承綏兮六鳳翼而縵紛

載格澤而雉厲兮歛耆撤揆稍旬始而遺撓  
槍競無朋吾孤往兮騰光景之所經俯六合  
以周流兮覩一氣之所營叩瀟灑之何居兮  
問黔羸所休屯芒東西之無軌兮沕晝夜之  
無門追汗漫而與言兮若不見而不聞將下  
車而從之兮則竦身而遐征忽寤寐而莫質  
兮形欺魄而獨存神黥晻而載浮兮涕淫夷  
而霑襟聞佞僞之達者兮將其議夫本根斬  
乎保己而不失兮何足與論此之至神鵬南

徙而終息兮彼安知夫天地譬井蛙之跳榦  
兮吾亦安知其孰智謂道非物之外兮盍反  
求諸世間泮得失之兩塗兮一智者之足明  
世溷濁而智鮮兮薪得鹿而國爭曰吾不知  
孰是兮據有鹿而偶分待黃帝以占夢兮曠  
百世而莫尋雖人跡之所至兮如窮北之衣  
皮聞中國之有蟲兮咀葉飽而吐絲化草木  
之所染兮煥五色而陸離所不睨而懂愧兮  
咸莫信而我非響香以為朽兮視素以為黑

有迷疾而慮易兮意是者之反疾衆謂西施  
美兮何高舉而深潛魚熊掌以為羞兮帶螂  
蛆之所甘物各驚其所知兮孰為是而正女  
蹇多知而博辯兮盍質諸魯之君子曰經禮  
三百兮曲禮三千非堯舜禹湯之適兮為他  
道而勿傳守株以待兔兮卒不可得從女以  
決疑兮而增余之惑規吾觚以轉圜兮如二  
兒之千國權謀既不用兮仁義又見賊哀夫  
時而齟齬兮改此度誠不能陳瓊茅以潔中



兮愬神龜以吉占朝從而莫違兮吾安所行  
女意王倪蹲循乎不知兮齧缺昧曹於同是  
違一世何不可兮山澤又多龍蛇深林杳以  
無人兮兩雪零其來加前夔魑後帝豹兮獨  
佛笑而施之石嶠之嶂以增波兮路阻艱  
以委移結幽蘭以獨立兮歲將暮而將唏懷  
同心之離居兮悵猶豫而狐疑必處廓若此  
而後可兮雖濟百世何足以嬉譬鄙夫之硜  
硜兮經溝瀆其誰與懷古人之無善兮吾不

忍袍吾之所獨五官異用兮物各派吾之一  
以聞之性兮一非有異回車易野兮絕道九  
州吾既不從夫斯人兮盍反吾之初修闔萬  
宇以聚閭兮載百族與並游人郡固有倫兮  
生固有涯蚕桑而被兮粟以禦飢吾何以異  
於人兮曾踉跄而交離伯夷死名兮盜跖死  
利溺者入水兮極者亦用以顛沛曾稽失之  
朱暇兮羊固已遠去而千里重曰道無封不  
可畔兮雖千歲由明日忘彼與是兮吾何愛

嫉乘虛無以為輿兮託不得已以為鄰忘處  
石而出火兮超同物而獨生

北京官舍後梨花賦

梨於經無記而舍後梨人所不賞故賦之其  
詞曰攬察草木本原所起李梅紀於隕霜兮  
橘袖隨乎織筐木衣足贈而詠詩含桃可羞  
而記禮雖信微而有託兮亦不委夫厥美惟  
茲梨之俊茂兮羌獨遠而未揚含溫潤之秀  
質兮皎君和璧榮其光澹暗慙其無偶兮歷

年歲之已長暮春者陽瘳慣盈郡木解膚似  
夸者似鬪者似輶者似穎者色非一色同嫵  
殊孌茲梨娟然獨見其素過時兮不省滋  
脉、兮後戶亦何必耀榮華兮朝日顧猶私  
兮泣露然而中唐之樗枝大扶疎以其近人  
人以繫駒則磨則蓄則折則泄孰與夫朽壤  
幽薄厥植雖弱履屐不蹈根乃磅礴

後招魂賦

屈原作大招魂宋玉作招魂夫士以忠放濱

於死故招其魂而復之予交之長者王安仁  
賢且孝適未仕病以天予傷焉不敢以非吾  
上也借不知命之辭以愬于帝作後招魂  
竊悲夫天何為主此碩人兮蹇幼清而宜修  
既服義以時可兮又何為委厥美而改求天  
固復諸其初兮則如勿俾此昭質帝命巫陽  
曰有愬于下汝往聽之精神將離筮而復之  
巫陽曰物死與生司命有職自廢自起朕何  
能識帝彊之乃下招曰魂兮歸來去君七尺

之軀胡為乎太陰些舍君之靈龜而糟茅沉  
些人固懷慈而抱愛兮一言欲訣而怍些  
君胡樂誘於異物兮從之踉跄而還行些魂  
兮歸來上天不可以游些有神當闕其視畏  
人些其下百鬼伺人往來執而殺之些倘佯  
無所倚歎息不可些幸而得還無所求階些  
歸來歸來不可以久放些魂兮歸來地下不  
可伏些土怪墳羊狼戾突觸些蛇身鬼首蓬  
髮髻鬢當前搖毒些九幽之府惡厲牛首得

人以械獄些歸來歸來不可以久屈些魂兮  
歸來無止乎山中些山木蕭々後狔所居些  
藜藿柱逕泉祥艷怪杜鵑啼呼些夔魍罔兩  
笑風涕兩見人椰榆些魍虎封狼磨牙吮血  
僦々穴居些魂往顛隕狂惑失塗些歸來歸  
來久幽恐不得出些魂兮歸來君無下海些  
大海盪瀟日月回周些白波連天五山狂浮  
些巨神操蛇唯魂是因些淫氣瀰霧八方錯  
易魂住安投些百怪謹舞群出類沒更遨迭

遊些霹靂掣電蛟龍直起江潮逆流些有鳥  
九首載鬼盈車擢筋以縻其輶些歸來歸來  
久淫恐不得還些魂兮歸來君無樂兮八蠻  
九夷些遐方異類其人似禽些烈陽慘陰講  
裘裸程涼溫不時些蔽林夜祠被髮徒跣妖魅  
叢嬉些魂往非族抵冒凌欺些歸來歸來恐  
自遺羞些魂兮歸來君無以鬪騷為南面之  
樂些毛枯骨化精離識落些螻蟻所寄烏鳶  
所搏些蚊蚋姑嘍狐狸齧嚼些醜然七孔穢

擲疇覺些棘薪葛蔓交錯綿絡些鋤耨野火  
侵凌甚虐些歸來歸來無自遺賊些魂兮歸  
來八紘六合無一可以翱翔些魂孤迢迢消  
耗淪亡些歸來歸來反故鄉些工祝前君無  
迷方些崇城兩溝夾高楊些車軫馬駟交康  
莊些日中為市集工商些高門懸箔襲慶祥  
些選閱甘旨薦北堂些金昆玉李美鴈行些  
班衣竹馬見嬉傍些曲欄橫牖窈洞房些長  
娥曼綠含若芳些齊紈阿錫曳明璫些憂瑟  
鼓簧封豕羊些食前方丈醜椒漿些嘉賓雜  
坐紛賢良些朱顏欣々君樂康些魂兮歸來  
皮故鄉些亂曰龍火頽坤兮虛正霄萬物首  
勅兮傷秋郊汨君徂征兮默誰曹天地為鑪  
兮物流以銷一受成形兮巧專莫逝斯彌願  
輅兮一体所交鼠肝虫臂兮忽何遭魂知復  
吉兮改而超與君除袂兮三下招張君之衣  
兮并屋號冤兮歸來居匪遙無哀我心使予  
勞

披榛亭賦

舒陳儀甫官於魏覽觀公圃廢城之堞墜其  
土作亭堞上名曰披榛斬木枝為梁柱管蒯  
衣之目踰四垣矚五里外進客而語曰樂哉  
此亭客曰微主人言之固願有謂也今夫山  
居者遺世遠舉煙霞之府塵屨之顛翠微之  
顏穿石曲隕上正宛中如堂如防猱獲之所  
處首更奔星高出雲霧足蹈太虛下見雷雨  
邈乎杳冥一攬九土此人以登邑門之垣蹤

步齟齬若絆若禦若見阡槽遊意無所至於  
平原案衍秣麥之土漫：漠：蔑有堆阜下  
澤之車短轂慎爾晝日旁午出汗霑滑此人  
適逢沙丘宿莽廣不蔭路急而頓息解轡弛  
負相携偃倭忽如飛翔延頸顧慕矣若乃平  
時室處朦朧環堵窮年不出四壁為伍周以  
闌開域以牖戶如彼并谷潛逃之鮒衡從北  
南適在跬步仰而視之不識天宇此人出城  
而望見桑麻綠野猶將樂之况乃蠱乎巍：

據城之陴出屋之危前無蔽虧俯首而窺  
夫明不求晦處內慕外各以其不足所遇  
生貴雍門之枝悲者驚心鍾儀見繫尚猶  
南音主人殆倦遊窮居者耶不然何以超  
然于此而志意洋溢也嘗與主人周覽五  
嶽岱嵩衡霍巫廬九疑白鹽赤甲青城岷  
眉歲暮深林攀援桂枝結軌羨門高谿方  
駕赤須安期委區中之跼躄遊太上之無  
涯則主人樂此耶嘗又與主人服織離駮  
駮耳夸父前乘魯陽

奉轡超人跡馳萬里以觀乎八紘九野  
能行北戶與西王母日下之地扶桑月窟  
紫淵丹水大章所步廬敖所履殊方怪物  
齊諧之志焜煌譎誑經日而記則主人樂  
此耶嘗又與主人觀乎京洛神用宋魏兩  
都未央建章天子之居前殿武庫金闕王  
除東華耀靈西華望舒複道氤氳飛閣渠  
、千官鏘、劔佩以趨朝會而出冠蓋布  
途富貴潤奴隸衣食仁里閭則主人樂  
此耶嘗又與主人校術孫吳

杭枝頗收左象弭右魚服韓厥中御州綽為  
右馮軾而萬目以觀三軍之斬伐擊刺琅  
璵、風起雲會北登燕然躡輶長塞西屠石  
堡飲馬瀚海麒麟圖形贖死胄代則主人樂  
此耶嘗又與主人出咸陽經上蔡過邯鄲桑  
中大隄石城之間士女並會倡樂止容杯酒  
相索吹竽鼓瑟鳴箏擊筑六博蹋鞠宛珠之  
簪傳璣之珥羅裙從風衆曲入耳人生得意  
亦何能已則主人樂此耶主人油然而笑曰

人壽幾何而時易失細猶不果巨安可必深  
山大澤實生龍蛇高明之家鬼瞰其室吾非  
以狹交廣以儉笑侈也狹易治儉易供此吾  
所以樂也窮秋九月狐狸出穴宇宙隆冽時  
亦登吾亭而支頤藜棘之介披朱實之離  
秋風鳴枝久而不去群竅盡奏若歌若歎起  
左作右時亦杖藜隱几而聽之寂寥兮無為  
淡乎熙、侶遺已離物而不知飛鴻滅沒夕  
陽就微月出埤塊樂而忘歸則客亦樂此乎



我於是客曰我以衆夸主人而主人以少奪  
我主人賢哉非僕所及也

濟北晁先生鷄肋集卷第二

濟北晁先生鷄肋集卷第三

辭

望渦流辭

渦之水西流遇譙郡北乃稍南又東流入於  
淮包渙二水皆經其南以東歲旱深不五尺  
秋兩集始大而城之東北唯渦曲水深黑灌  
木蔚然舊有祠曰龍嘗宅焉作望渦流其詞  
曰望渦流兮澆、勢南折兮東還水衡隈兮  
岸圯嗟龍去兮幾年俛余進兮藪祠儼帝服

兮神冠墻壁績兮怪竒泯蛇穴兮蝸盤列缺  
鞭兮雷輶衛兩鯁兮驂驢老龜起兮霧游跋  
瑤瑁兮鼈鼉或若馬兮非人紛陪後兮導前  
水陰兮藻長科斗舞兮下顛儵群出兮旅  
嬉忽俱去兮不還意土國兮無龍恐逝桶兮  
藏穗帝有命兮時乘六隱兮填兮世鑠石  
兮流金將誰職兮此愆包之水可揭也渙之  
水可厲也前汝足其暨也後汝跗其躡也江  
有鯁兮橫淵海有鯁兮翔天汝隘此兮往爭

滔淫水兮八埏重曰望其屋若有宅於隈不  
汝爭於屋汝安其隈澤不必施也包澳仁水  
與滔並流  
追和陶淵明歸去來辭

辭長而歌短歌有和辭無和也言語文章隨  
世隨異非擬其辭也繼其志也作者七人矣  
詞曰歸去來兮吾無以歸奚以歸既身不足  
以任責畏首尾而必悲慕往昔之經世嗟吾  
力之莫追彼辭位而灌園豈吾今之獨非兩  
冥、而荷笠榛莽、而褰衣我行野而視天

覺寓大而身微乃矜蚩蚩止驅息奔背隍築  
室面坂植門三綬從褫圖書尚存忘齟落之  
可憂比浮海之為樽躒太初而游意樊無極  
而彫顏反國蝸而自足俯巢幕而亦安解予  
轡之沃濡兮脫予牽之間闕識鳥鳴而物華  
陶陽氣以流觀悟息淵而消枝亦堦戶而俱  
還惟文字之幼工則雖老而指柏歸去來兮  
彼河濱之善游或往學而喪生復裹糧其安  
求善陶生之達生不與世兮同憂寔迷塗其  
已遠惧斯人之莫疇或待兔守株或遺劍刻  
舟錐成事之不說聚悔踰於山丘庶西方之  
至言聊反聞而逆流守一靜而為君亦何往  
而不休已焉哉一晝一夜成四時子之歎川  
遊不留顏光不可使東之韓終王子喬汗漫  
難與期俯寸田之荆棘曷不旦耘而暮耜悲  
在堂之蟋蟀慙不樂於唐詩悟死生之如夢  
亘古今而無疑

返迷辭

五達跋行者迷茨菘蹊虬暢嬉香漢：莽離  
離赫隆曦可還時日黯西與誰期往不思逢  
詭期死獨魄安可知亟反之大道蕩都邑差  
車馬馳冠劍祇志可矜能足施貴名垂好爵  
靡儼罇卮饜梁肥窈室惟安厥妃觀盈虧浩  
浩移逝不遲咸若斯何綏：不返為從魘夔  
神索襄令狐疑後當悲我此詞如泰龜

冰玉堂辭

冰玉堂者始前門下侍郎眉山蘇公子由哭

故廬山隱君剽疑之與其子道原之詞所謂  
潔廉不撓冰清而玉剛者也鄉人聞之其賢  
者喜其頑與懦者皆廉且立則相與採冰玉  
之語以名君堂而祠之而前起居舍人譙郡  
張文潛又因其名以為記蓋君父子博極群  
書道原尤精史學而皆耿介守義不偶俗以  
沒世慕而傷焉故門下以謂夷清而餓死惠  
和而三黜道不與命謀非和實得非清實喪  
而起居以謂司馬譚與迂文學美矣而無聞

於風節疏廣與受風節同矣而無傳於文學  
蓋門下至借君父子以論夷惠起居合其長  
謂過漢四人者以是知君父子為一時知名  
偉人所愛而推之無間然者如此則夫冰玉  
之名非鄉人故舊者之言也天下之言也補  
之生雖晚猶與君父子並世而不及識既為  
館職修國史實錄盡得道原所著十國紀年  
資治通鑑外紀諸書而觀之且門下補之所  
嘗事而起居所嘗游也固其言以益信顧雖  
不及識與夫識而知之者自以謂深且遠矣  
又與君之孫羲仲游相好元符中以罪遷玉  
山道出星子求君父子所葬而拜之五老巉  
然臨其上水交流其下松栢一徑如幢節行  
路耕者咸指而言曰此劉君之塋也則皆有  
敬容因喟然太息順塗而詠曰皎々白駒在  
彼空谷劉君於是無愧乎天下之言也既而  
復曰屈原以讒放而死而君父子進不犯難  
退而伏清節以沒與原異於原不更愈乎推

此志也。雖與日月爭光可也。况冰玉乎。此凡  
楚人之詞皆傷夫中正不遇者而作也。故以  
若詢弔之曰

論世以觀士。兮集義以為詞。所非正而敢從  
兮。日可星而東之。嗟若士之弗獲兮。菟何忿  
而負石繫聖賢之出處兮。惟遵道而守德。鳳  
覽輝而乃下兮。雖猶耻乎腐。嚇非九方之為  
使兮。夫何足以得馬廬岑。以鎮楚兮。洵大  
江之東。淒分陰陽之晦明兮。鍾斯人以正直  
惟天道與地寶兮。非所求其猶愛與之全。而  
不用兮。懷斯美以固在大固。不可以適兮。方  
固不可以圓。試回功謝於土穀兮。夫乃同道  
於禹稷。譬人生猶吹吷兮。無得喪之可齊。紛  
吾何指以為正兮。服吾初其庶幾

漫浪閣辭

南康劉義仲壯與志操。文義蚤知名於士大  
夫。年四十矣。而學問亦若益不欲一日棄其  
力於無用也。築屋廬山。其先人之居。自號曰

漫浪翁意以比元結從仕與物皆不得已也  
豫章黃庭堅魯直曰壯輿未至於翁行已立  
志不可謂漫浪者穎川晁補之無咎以為知  
言壯輿曰請極其義補之曰唯其詞曰  
沛高皇之愛羸兮劉別子曰楚元羌好詩而  
說義兮敬設醴於穆生戊始怠而穆去兮申  
白笑而鉗市富傳孫而失國兮派辟彊之友  
子爰清淨而少欲兮以身悟乎霍光蹇孫向  
之洽聞兮至耆老而弥良曰衆賢和於朝兮

萬物和於野粵百世而能調兮民胥來而鳳  
下惟劉有後於楚兮千歲發夫道原流其芳  
以益遠兮偉壯輿之不愆原惟博而好直兮  
向異世而復起輿惟進而未已兮載向學亦  
不墜彼元結之信修兮羌何為此漫浪也將  
履中而晦外兮其德固天之放也惟漫浪之  
為言兮匪正則之嘉名豈其懲屈之死忠兮  
將倚移以保生結當易之一爻兮幽人履而  
正吉與方壯而惡晝兮棄爾輔欲誰賴吾語

子漫浪之可兮遺物往其庶幾苟畏人而群  
於人兮拭唾面其猶殆朝騁望乎紫霄兮夕  
歸次乎尤蟲五老兮在上星子兮在下垂瀑  
介於高丘兮洞深林而北靡飛梁亘於三峽  
兮倏異景而殊世青松屋兮桂宇卒夷房兮  
梅戶蘭糗兮菊糗蓀體薦兮肴若芳雲駟兮  
霓輶歲將晏兮誰與游煙為衣兮水為珮君  
誰須兮林之際吾以漫為旌兮建彼太虛之  
上也吾以浪為乘兮周彼一荒之外也玃萬

里而不逢人兮御謁我以宜止賡轟、而曠  
洵、兮羌何以辨乎明晦弥高出於千仞兮  
群鳳過而北南弥幽徑於雷室兮列袂驚而  
後先求佞僑而不得兮咸勃宰其在下乃山  
澤之臞兮夫何足以跋而望我茫吾不知其  
所如兮黔羸告我以何舍出無陰兮入無陽  
旋丹崖兮匝大荒忽臨睨夫故居兮群梯危  
之峰戶偃白叟之扶童兮迺謂我以良咎返  
吾稼兮復吾樵山嶠、兮江涵、與先人之



善俗兮維百世猶未改彼魯哀而斷兮吾  
老禘以知耻匪禮失而求野兮民固化於不  
桃輿克家而好當兮庸謹行以毋傲懷向原  
之遺直兮念爾祖而履薄陳洪範之九疇兮  
叙三統與七略以為博而弗老兮蹇無用而  
東閣紛輿世之多賢兮匪曲全而好修惟仁  
宅與義路兮羌可居而必由結信賢而自晦  
兮忘其固物以迷世鳧與波而上下兮夫固  
非駒之所喜亂曰接輿詭而悟聖兮匪沮溺  
忘楚狂聖與言而莫顧兮人以為知乎大方  
既不足用吾中兮吾將從回憲之所減

遐觀樓辭

霑墻堵之伏潛兮登斯樓以遐觀匪吾居之  
為隘兮乾坤習其孟盤仰攀薨而拊楯兮宇  
曠々而益寬彼何大而能舒兮吾何眇而莫  
閑霜肅瓏而水枯兮潦收竇而澤乾蓬鳴野  
而相追兮知海冰而夫寒尤睇兮城闔右盼  
兮林垌商賈紛其畫合兮陶冶翦其煙興之

杲杳以在東雙栢近而青：物暇遽之不同  
兮余亦不知其何情聊浮遊以相羊兮初怫  
鬱而中清彼塊北之無垠兮人駒隙之暫更  
道本夷而世險兮夸奪饜而卒平周垠兀其  
跨衍兮逝千古於樵耕春與秋之不淹兮歲  
忽々其崢嶸招搖指於北陸兮澹黃宮之陽  
生固天道之反覆兮氣默會而孤萌朝卷箔  
而極望兮稍霧廓而日晶及暘景之方中兮  
晞余髮乎南榮浮雲起而景翳兮四暝合而  
覩星風撼：而感軒兮雀啾：而赴楹收百  
為以清慮兮施余禡而榻橫漠洵：而非声  
兮邈冉：而非征形欺魄而若存兮神無虧  
而靡成日瞳矓而罔覲兮坐待日之方并夜  
寥々而未央兮羌不寐而無營

樂哉侯之邦兮樂哉侯之堂兮

二章  
美澶

守韓  
侯也

樂哉侯之邦兮封楚宮與復闋美哉洋：水  
兮崑崙始乎並川桐離夫其實兮綠竹兌於

丘園三年庶夫有成兮蹇吾師其永歎營室  
璧而建墉兮參國一其可觀塗椒丘吾駕車  
兮攬予駢之擘：襲予旆之悠：兮侯降觀  
其于田春陽滿其親天兮乃物作而况蘭來  
吾省夫在疇兮介黍稷之有年侯寧般于遊  
兮無非事而不煩美信修而好我兮冒懷歸  
而翩：信邦侯之可樂兮蹇携手其同行  
樂執侯之堂兮高門梁兮蘭錡切雲冠之歲  
歲兮四牡矯兮戾止夜悠：其未晨兮紛侯  
庭之徒履雲容：而承楫兮日澹：兮階祀  
兩雪睨其將流兮黃宮動乎子美爰傲生之  
煌：兮又尚茲夫介祉嚴若植其姣服兮侯  
何須兮堂際進蕙疇予稱觥兮芬予席之蘭  
管朱顏忽其滿堂兮五音昌兮來會競姑射  
之綽約兮愿慤保而為使詢侯堂之可樂兮  
與日月其無圯

維夫君兮桂舟一首送梁正受歸汶

陽

維夫君兮桂舟酌余酒兮攬君留君何為兮  
此野菊菲、兮蝶下韡、兮煌、爛金敷兮  
襲余堂榮萸兮芙蓉衆芳越兮亂五風飢咀  
兮靈芝君歌樂兮余和之曰下兮野陰澹忘  
歸兮中林橘棟兮梅字紛瓊茅兮被南榮白  
羽兮黑翮邀僊人兮語此文余高馳兮世之  
外君焱舉兮先余至襟帶兮東方旦爭門兮  
汶之陽大野兮始波翔鶴鶴兮嗥駕鷲郡宿  
兮迷阯旅食兮殫穗霜肅、兮葉方下君欲  
濟兮淹回水通道兮蹊蹠冠如箕兮帶長鋏  
里千室兮士一喙余不善兮紛余辭世謂折  
楊好兮余白雪而莫知棄火布而以為垢兮  
胡不浣炎而振之彼鏌邗而能言兮工謂余  
以不祥聊逍遙而挫銳兮蒙黯、而益光

山坡陀辭

山坡陀兮下屬江勢崖絕兮濤波所盪如頽  
墻松鬱律兮其高百尺房枝虬驚葛藟之仰  
不見日兮下可依吾曳杖兮吾僮以吾之書

隨邈余望兮水中泚頽然而長者黃冠兮羽  
衣軒頤坦腹濤石箕坐兮石亦有趾安不危  
四無人兮可忘飢僊人偃佺兮自言其居瑤  
之圃一日一夕兮飛相往來不可數使其開  
口而言兮豈唯河漢無極驚余心默不言兮  
蹇昭氏之不鼓琴憺將翔兮山海與日月兮  
常在若有聞兮夢中仇池我歸路此非小有  
兮噫乎何以樂此而不去昔余遊於葛天氏  
兮身非陶氏猶與偕乘渺莽良未可兮僕夫  
悲余馬懷聊逍遙兮容與晞余髮兮蘭之階  
余論世兮千載一夜猶並時岐又有岐兮余  
行詰曲欲知余者希哉：洋：余方樂兮譬  
余擊舟於水魚沉鳥揚亦不知何必每歲輒  
得應余若響坐有如此兮人子期

白紵辭上蘇翰林二首

白紵琴莫緝紉蘭作衣祛朝兮日所慕暮兮  
兩所濡木瓜諒微物期報乃瓊琚芳華辭甚  
妙贈我不如無

上山割白紵山高葉撼、待歸當戶績為君  
為締絡不惜潔如霜畏君莫我即誰言芻蒲  
可聞不可識

江頭秋風辭

雒陽客後車結駟傳燭食人生富貴不易得  
江頭秋風旦夕起胡為翩、雒陽陌雒陽陌  
吹塵埃江頭樹安在哉秋風起菱花開鱸魚  
肥歸去去來

琴中宮調辭

神僊神僊何處青山裡白雲際不似人間世  
源上正碧桃春清溪乍逢人住無因憶紅塵  
出洞花絲：

濟北晁先生雞肋集卷第四

古詩

擬古六首上鮮于大夫子駿

西北有高樓

西北有高樓縹緲紫清周欄十二折飛鸞  
結丹楹上有絃歌女充耳以黃珉當憲弄白  
日顏若茗之榮陽阿奮哀響梁欂有遺聲不  
惜厲清商零霜飛園英誰為聽之者故、自  
知明幸承遺襍眷同車以遐征

東城高且長

東城高且長，下瞰阡與陌。谷風麗百草，春華  
紛已白。良時忽如此，馳景一何逼。喟彼飯牛  
詩，終年守寒阨。恭儉風所敷，葛屨傷褊窄。身  
為物逆旅，生迺遠行客。豈無百日蜡，樂此一  
日澤。美人顏煌煌，奇服爛五色。彈箏奮新響，  
盃酒縱相索。鬪鷄逐狐兔，六博呼一擲。貧士  
悲失職，坎壈何所迫。安知黃鵠舉，隨時振六  
翮。

庭前有奇樹

庭前有奇樹，好鳥鳴啾啾。朱榮被紫萼，采掇  
以忘懷。棄置而不省，秋風淒以摧。不惜朝華  
莫君行，殊未來。

冉：孤生竹

冉：孤生竹，記根中谷。卑結髮事君子，江籬  
近華池。江籬榮有時，迨此春水期。五盤有嘉  
餐，思君以忘饑。東下何慕慕，朱實亦離離。秋  
風一被拂，覺其為枯枝。願垂太陽惠，照妾葵



藿微

涉江采芙蓉

涉江采芙蓉江上零露滋方舟不能度日暮  
白蘋悲清波有鳴鴻蕩漾安可期幸因南風  
逝寄言欽所思

生年不滿百

生年不滿百一日何三秋花開苦多兩何不  
張幕游行樂時不再春榮豈長在古人輕尺  
璧愚者昧所戒君看龍與虎飄忽不相待

建除體二首答黃魯直教授

建策移漢都奉春綠衣布除地願見公乃以  
舍人故滿船載明月且復酌清醕平旦襜褕  
出牛羊下來暮定境要兩言出處非並趣執  
臂欣逢迎秋蘭在堂下破甑兩生衣蹇不改  
茲度危莫如人心難莫如行路成事安得悔  
來者其可悟收拾不須陳千言一棄屨開門  
見井市終歲紛遑遽閉門面墻壁少日豐暇  
豫

建鼓求亡子初昧學所之除去日月多及此  
歲未遲滿國和巴人若士誰與知平陸不推  
舟客行當來茲定居厭屋廬風雨勞所思執  
鞭慕昔人孰與並此時破裘不御冬要假宇  
腋裨危言則來詔慎密又逢譏成德尚如是  
薄志安能期收聲復藏熟雷火忽然微開口  
且復歡是事置勿推閉眼可內視獨復不自  
為

八音歌二首答黃魯直

金蘭况同心莫樂新相知石田罹清霜念此  
百草腓絲看煮繭吐士聽憤排語竹馬非紗  
齡美人恐遲暮匏繫魯東家今君尚天涯土  
膏待陽瘴氣至如吐嗟草薄不可靡士迫下  
流惡水無松柏心蝎處蝼蟻記

金丹妙通靈子有遺世術石髓不成餐閤予  
多滯骨絲聲紡事暮禱聲寒事來竹葉將菊  
花及時同一盃匏器祀天地貴質不貴華土  
緣井渠華生氣泄大和革面固非性小人變

丹青木雞本無心風雨安所能

感寓十首次韻和黃著作魯直以將  
窮山海迹勝絕賞心晤為晤

鴟鳩興獨居百兩誰與將未見憂忡、既覲  
為龍光吹竽沸齊市零兩暗空桑寒歌牛輓  
底激烈氣彌剛

鴈以無能亨鼠以有枝窮古來達生者神不  
馳其胃物或似而非葉本奪芳蕝減否何間  
然吾師阮生風

倉鶴知陽春喬木聲闕：白駒不食苗奈此  
空谷寒昔有丹徒士櫛櫛貯金槃富貴懷隱  
憂無寧歸故山

吾期瑤之圃王英良可采崑崙在萬里積石  
更磊魂學經倘無用詩禮發含琲叢臺尚何  
為袷眼若煙海

鼓吹出西羌光華動眉額韃橐望酒泉面有  
可憐色念身匪兕虎少日四方迹百計等畫  
蛇老大悲故國

謝公文章余幽事課伐嶺清詩如玄酒胡乃  
淡而永得無西堂夢春艸句彌勝但使田野  
傳何須論銘鼎

江南盛鬱蒸代北紛霰雪卞生無出游何以  
得此則一朝有天運春華未萎絕吾猶託雄  
鳩而彼固不拙

平生莫逆交弦斷寄心賞相思望青楓目極  
江水上念當及時節農事動春壤來者不有  
年何能咎吾往

楚有吹竹者工作百獸音削格為爾多指  
寧適今嘗俾範馳驅終日無一禽復之倘或  
可詭遇亦何心

葉公好畫龍龍固不可晤安知下其室驚駭  
暗楹霧昭王亦貿骨異以得馬故相者競舉  
肥終然駒遠去

西歸七首次韻和泗州十五叔父

潔腹不受污昔人因食薇、亦周土生悲我  
懷永饑武王與周公聖德天動威奈此二子

何猶歎安適歸

霏雨晚霑裳零霜曉被路驅車歎時邁所遇  
一無故悠々天地宇萬物各有聚閱我冰雪  
姿幽居從可任

暮投古店宿夜聞狐狸嗥僕夫告行邁起視  
月尚高清霜來何許不覺滿我袍逆舍良非  
時求前茲已勞

浮雲如游塵倏起蔽白日登高念程落歲暮  
一何疾東陵種瓜事富貴寧可必人生無南

北行樂時易失

驅馬走山回車々漸水塗窮我何遺慟哭

盈襟淚巢居識風聲穴藏知雨意救闔曾得  
傷纓冠亦可已

贈君彼風蘭佩之可為璫贈君彼露荷製之  
可為裳薄言茲楮楫道遠莫置旁崢嶸又歲  
暮與君同所望

古人重生男豚酒慶親戚桑弧射四方言有  
四方役奉璋比德性墮地要膂力如何晉公

子安樂忘所適

感興五首次韻和李希孝

海鳥御羊角飄然凌紫清有背如泰山未覺  
毛羽輕鹽陽亦群飛日景為不明空倉自苦  
饑安得有此名

人生須富貴如埃河之清草木競榮華春服  
亦已輕桑田自足樂未可居高明君子順天  
道小人眷時名

長歌遺世情滄浪之水清鑠金在衆口折軸  
由群輕君子貴同塵安事皎々明倘在子所  
呼牛馬亦我名

不肯掃一室顧歆天下清少日又不羈頗復  
鄉黨輕長年始羞悔耳目尚聰明何須更市  
藥小女故知名

春來寒半已今晨天氣清彈冠適新沐搔髮  
亦良輕但愛百鳥樂復憐一窓明干世寧可  
期歸耕良近名

飲酒二十首同蘇翰林先生次韻追

和陶淵明

小賤足可喜險阻更嘗之為親謀斗粟無意  
出競時緇焉劾一官報國方在茲寧當不卹  
締對酒懷憂疑學道恨力淺中遭網罟  
沈飲非荒晏凜然忽頽山或人欲問事已醉  
不能言古來亦如此名字垂千年但問酒中  
適豈計飲者傳

陶公群於人而無人之情詩豈世外語世語  
不可名東坡憐此翁同調但隔生形光來戶  
屢真屢人不驚得酒自醒醉放意無虧成  
園林日夕好花繁時鳥飛少年玩芳物不飲  
成坐悲只今未白髮念昔已依依：紛華戰吾  
道決勝當有歸挫銳培其根外槁中匪哀念  
方終日行輜重安得違

一眼異青白口語未啾喧酌一不酌一用意  
何其偏誰似子孫子高栖蘇門山時隨顛雲  
出又與林鳥還平生但長嘯獨與嵇生言  
高賢衆所懷衆理應取是如何濟衆事難成

復易毀功成身無與天運亦復爾軒裳役群  
愚見曹眩文綺

庭前兩古柏凌霄燦其英問此誰榮枯雪霜  
見其情榮枯何足計有酒還自傾熟寐暫展  
轉覺來一蟬鳴歸休但如此便足了平生  
功名有天命美好無定姿雲夢未足吞聊可  
巢一枝同時金門士文學多瑰奇幘被向淮  
海酣放遽爾為車蓋豈不榮野馬不受羈  
城東放鹽渠自昔誰所開似說全盛時邈焉

一長懷穿渠引江水此計未為乖千帆競暮  
八集浦如烏栖萬疇分白浪嘉稻擢新泥恐  
此大多事且當寄嬉諧疏通養魚鳥花柳共  
低迷時載酒往江上亦忘回

大明唐來寺廢苑西南隅青松拱高阜崎嶇  
有微途肩輿病我阜一馬良可驅衆木媚深  
壑氣薰時雨余此馬可數醉何用葺吾居  
蘇公士冠冕復似郭有道知士未達間趣操  
保耆老精鋼試九火勞倦容不槁為州弟飯



酒况此年歲好藏鋒避世故輕敵喪吾寶時  
來用毫末勲業自世表

東漢有兩士才智炫一時三公往訪事卧痾  
亦見辭偉明獨不然小道安取茲斯人似水  
鏡與世破昏疑憂國不為身百世那可欺舉  
杯相歡屬是事亦置之

齋居忽若遺不識身與境頗疑酣中似奈尔  
輒復醒東坡自云然挈世一裘領是事吾有  
師安敢囊出穎指窮火已傳豈待得薪炳

安昌漢耆儒樂飲後亦至東坡儉不固少飲  
得徑醉愚敢効戴崇正復思其次旁通復親  
愛公亦安所貴便坐時一卮彭宣寧寡味  
幼間錦江春欲訪子雲宅叩門問竒字便掃  
四方跡青雲看一鷄亢毛愧累百勞公諭伯  
業齒堅頭未白何當擺俗累歲月可惋惜  
王道無偏黨此語聞諸經高賢如大海亦以  
衆流成文饒歎維州刀鋸人所更相如後私  
怨此語驚秦庭小人慮事踈妄意鹽車鳴安

得如江酒洗我塵垢情

淮南夏早收晚秧亦含風連艦似雍鋒千斛  
輸吳中使君飲酒樂歲美閩梁通安得天下  
人俱忘楚人兮

十年一麥禾此歲亦難得寄語吾州人不飲  
良大惑經時無死市吏責亦可塞先生門弟  
子佐守同一國舉杯日相屬有句安得默  
堂、門下公英發自初任卷舒固以時出處  
不為己朝廷登儒輔德禮民有耻岷峨更崢  
嶸清風在閭里獨醒固不惡既醉又可紀成  
王訪落時百室賦盈止吾儕為國謀私愛不  
足恃

黃子似淵明城市亦復真陳君有道舉化行  
閭井溥張侯公瑾流英思春泉新高才更難  
及淮海一髯秦嗟予執何為十駕晞後塵文  
章不急事用意斯已勤平生不共飲歎息無  
與親問道伯昏室何人獨知津各在天一方  
淚落衣上巾歸休可共隱山中復何人

濟北晁先生雞肋集卷第四

濟北晁先生雞肋集卷第四

古詩

祝田五首贈八弟無斁

河流之所濡一斛泥數斗我莊當水窮乃比  
石田瘦尚無東陵瓜况有南山豆天雨不可  
期且復鞭牛後

蘇秦不顧印迺在二頃田東臯五十畝力薄  
荆祀填擇高種首膏不濕牛口涎拙計安足  
為朝往而暮旋

簿遊廢家務待子營糗糧莊奴不入租報我  
田久荒凌矜馬到門碑兀牛卧場立苗蒼耳  
根此策殊未長

家世不為農長安有大第官糧弗充口萬里  
聊自庇一從學聲牙世事百邑廢賣牛姑補  
屋歲晚霜雪至

居貧廢文字鉅鐫學苦耕怪子獨伶俜久與  
地力爭苦耕又不時狐虺曰縱橫高原一釋  
耒歎息心忤：

即事一首次韻祝朝奉十一丈

平生交游情獨處不可乍那為一馬飲濁水  
噴百馬弦歌高樓上但恨知者寡丈人遺世  
心口語儻能借不然抱幽璞終歲裹幘屨坐  
令青蠅繁暫出刑兩踝儒冠成自誤歸去無  
屋瓦賴逢里中賢築室各蕭洒及時秫麥賤  
樽酒得同把安能効乾沒肩輿市人亞居然  
邑里踈曾墨為還駕况在竈奧間歎耻王孫  
賈東方錢二百得米稚啼嗷嘲坐笑窮辰無

肉飽伏假尚聞剝啄聲聊復徒屐迂子常妙  
工詩蘇李掩曹謝有時醉醅醕大笑翻盞掌  
倒床臯息惡喚起對殘炮復古志尚竒衆競  
方獨暇捫虱與人言豈不逢譴訝崇朝潔腹  
坐往、食旁舍子固業少成議論媿風雅嘗  
聞莊生說乃慕巨魚化平居似晏子志念能  
自下而我獨迂踈通人所譏罵正賴觴詠中  
得意自陶寫留連接清晤欲起不能罷是時  
春兩余桑密鳩鳴野城隅園圃近款段亦時  
跨便恐百奔闌晚晚侵朱夏人生形骸累未  
免俗情詐此理豈外求猶煩詹尹卦清風穆  
然在如渴啗甘蔗况我自散材谷口窮耕者  
去年秋不在匏瓠綠庭架低首迫榮利妻子  
憐王霸橫經亦彊顏已取或人捨但慮宰我  
愚松栢談三社翛然一室內黃卷開佳話尺  
璧競寸陰寧復當論價吟哦愁肝腎蟋蟀吊  
長夜鄙俚頗近情持用自悲說功名與道義  
熊掌偕魚炙二事良難兼夫子賢點也

謁岱祠郎事

澤南三百里極望橫天雲、端色凝黛諦視  
初可分崢嶸介丘像傾洞元氣屯頃刻有變  
化慘澹殊明昏天行帝出震其位生物元不  
周備西北川乃東南奔寧知六鼇死使二  
山淪不有是難傾孰維大塊根嘗聞周官說  
實為天帝孫神靈所鎮守民物斯茫存幽明  
昭一理有道惟常尊不覺下馬拜童奴亦躡循  
迺知正直理足使冥頑敷三王有損益商人  
所尊神明法或不惧夜行安得遂以此輔世  
教庶幾驅驚民暮宿太平驛不眠慮絲棼明  
朝好天色萬象開胚渾勢橫怕碣盡交壓齊  
魯躡五色曷日觀一握通帝闈恢拓下嶺嶽  
青蒼上氤氳泉石競沮洳煙嵐玄紛綸高舉  
躡風海深躡蹈火輪濤波卷堆阜一一溟勃  
吞棋枰視井邑七著藏松椿碧瓦峙雙闕紅  
墻繚長圍頤瞻嚴闕客內滌邪垢魂賜臣登  
絕頂一覽神秀原萬壑射窈窕三壇轟嶙峋

莽不覩項領何能窮脰跟稍、指鳧繹依、  
數亭云松列大夫爵羸識將軍墻瑣屑澗花  
麗霏微崖藥薰廣大良有以奇險安足論現  
詭有形上類然德弥博得無希夷子傲世逃  
深養亦有黃冠士相對如麀麀此曹啗草木  
語道良未聞解榻坐中觀洗心馳大鈞形氣  
要得一不然隨物泯是事亦姑置幽尋聊可  
勤初疑無字碑瑩潔誰散文又怪玉女井高  
絕何由大淵俯穿關仙巖鳥下天壁琅側度

五賢堂態經背逡巡劔石危數履女蘿柔屣  
桐揮斥八極遠風來袂軒、寥廓自無梯猶  
疑天可賓陰谷不敢視恐落魑魅群安得遂  
獨往身如黃鵠翻周流遍五嶽採投芝英繁  
即欲憇圓嶠或當止崑崙衆真迎我語一笑  
顏玉温是中差可樂子胡恋塵樊荅此太遺  
物身閑猶事君重華迹已遠秦漢事方煩成  
功屬吾宋五禮垂後昆 皇帝二載春臣  
備大史負細緯自帝典頗識康哉言泥金白

玉宇頽頽無前勲有志類韓愈無書愧文園  
臣髮將雪素臣心猶日皦今此在林藪跳身  
同攫猿徒觀衆山小愁絕下天門

遊信州南巖

南巖夫何為山作天倚蓋山南豁山腹飛頂  
覆其外初如鵬將翔鷹擊群麓皆乍似海大  
魚呀口噉而嘜當空橫廣額架屋喉舌內仰  
窺駭憑凌俯進愁壓墜嘗聆釋氏說仰覆各  
世界千間未可著五畝良不隘清冷氣射人

熱惱從此清崖奔水踈瘦谷遠鳥幽怪問僧  
何年居投老四五輩問客何人來官滿或一  
再而予與二子高興偶相戒松舟下清江毛  
髮數輟鬢藍與上峻嶺幢節望杉檜李侯勲  
門胄又采山作繪趙君儒林孫娉美蘭結佩  
不為城郭遊繼月此干邁寧知老逾拙意在  
精賞退得居溪南山食飲與山對夔魍入奧  
突雲兩出巾櫨古人戒賤目慣觀誰復貴顧  
此誠未逢欣然與心會彭湖兩崖蹙泉作一



線霈禪月古臺空  
虛山自明晦  
搜竒獲三勝  
趣懶同一慨  
但憂久聳牙  
尚喜無帶芥  
平生所驅使  
詩酒俱好在  
天涯得吾侶  
物外從所快  
便欲登赤城  
一觀天宇大

北京水後往棣州試進士

晡時北京城  
行李上客槎  
二更無人聲  
騎馬黃河沙  
誤緣柳灘中  
尋炬知田家  
道有轉徙人  
襁負依丘麻  
雞鳴不安枕  
髣髴墟里舒  
秋衣抱子母  
蕎麥亦已華  
賴此野物登  
爾輩生

有涯夜宿冠氏驛  
旅衾魂夢嘉明發  
紫長坂晚聞豈  
邑衙秋陽此方熾  
流汗露巾紗  
處陰甘吾願  
聊逸豈在多有  
風東北來慘々  
飛兩加頃時  
異晦明稍曠  
天表霞僕夫為  
我言塗梗絕  
行車且還解  
吾褚中林侶  
群鴉詩書維  
永夕蚤作從  
復賒豈不有  
王事奈此僕  
夫何

次韻王宗正定國與蘇翰林先生黃

校書魯直唱和

東國寬市征西山  
休騎之時清  
詩人喜洗濯

出佳言淵源蘇夫子河入蒲昌翻軌轍校書  
君駕駢盜驪奔後來得濬沖他人孰窺藩譬  
余學禮素婦祭盛於盆不應麾門墻尚許酌  
衢樽夢天九門開燦然列星繁群公顧我喜  
顏若白璧溫赤城何足躡愁絕永嘉孫

次韻孔著作作常父館中喜雷

冬旱及茲雪都人銷百憂墻根有宿艸余綠  
尚去秋新陽解薄水大潤并介丘夜聞窓響  
紗高雲正綢繆明旦天津望寒花翳川流宮

中聖人喜癘氣一夕救史占上日祥知款遍  
九州敢任肉食謀官閑欣歲休雖無山陰船  
窮巷窘若囚却幸葛翁來湯餅有麥牟見神  
仙傳

孔侯金閨彥平昔慕追游延閣排霄起登臨  
忘我愁何當聯轡環城苑佳氣浮春郊日可  
望桑野聽行謳

次韻張著作文潛休日不出二首

張侯經濟術見遇未容心揚子執戟老蔣生  
開徑深予亦拙造請素懷愛園林閉門烏雀

喜朝日上駸：

文史平昔契淮山，別離心省中並日直天上。  
青春深買屋，近城塢往來成竹林。詩模黃著  
作吾亦意駸：

次韻文潛病中作時方求補外

貧爐初著灰，濁酒寒不溫。鄰張病未來，獨負  
南窓暄。昨日往過之，歡喜能兩餐。醒釀泆然  
解，愧無枚乘言。祝君抱虛一，邪氣襲無門。今  
晨有起色，迎笑眉宇軒。扶掖兩男兒，總非佳  
弟昆。遣誦寄我詩，妙可白玉刊。平生俱豪氣，  
見酒渴驥奔。賜休常苦稀，晨謁良不閑。約君  
向南邦，勿厭獻朴誼。公余未忘飲，何必釀十  
分。時平但行樂，卧治安足論。琵琶五十面，雪  
兩出鷓絃。

再次韻文潛病起

淮浦見之子，春風初策名。頗訝謫仙人，有籍  
白玉京。晚遇廣文直，老交心愈傾。同并芸香  
府，偶坐華髮生。斯人自龍性，意變難章程。耆

酒不疵吝身如秋葉輕自言士處世何必冰  
雪清交游滿臺省毀譽半玉城不肯効俯仰  
畏高悔鯁惇常思老伊顏紫澣羞吳杭我輒  
祇掌和音同磬隨笙小人奉慈親皆嘗小人  
羨寒衣婦補綻孽績女娉婷日歆江海去心  
期楊柳青衆木構大廈豫章倚孤撐如子足  
鑿國可容移病行丹書紫皇告王篆五嶽形  
何必陶隱居吞霞養純精訪道自素約諧心  
期暮齡但恐牽俗緣志大功不成息交屏妻

子此語不須驚

濟北晁先生雞肋集卷第五

濟北晁先生鷄肋集卷第六

古詩

玉溪歸逢甥李相如汴中

蠻鄉俟天形畏蠹復憚暑夢甥來萬里竹響  
風動字如今真似夢相對別恨吐平生窘執  
轡白面力如虎誰令斗指日江使墮魚暑桃  
僵李為朴遺珮滿江渚常憂抱石死無復脚  
踏土那知徵時頤起廢遇明主曠調已遠跡  
未用矜杜舉但憂世議隘亡方不亡楚吾甥



學孔子况乃父母魯如聞四門闕未信邈洄  
阻上書閑魁早膏以神靈雨北海自有人高  
丘豈無女爾壯觀爾能吾歸固無所期甥二  
兒上餘子不足數何以喻吾心酌此湘吳醕  
送學生李公裕兄弟赴省集

閉門圍火談開戶雪一尺黃昏具杯酒知君  
遠行役君家三兄弟頗謂各無敵容父學知  
方大道通四驛吉父由韻頡天池觀水擊仁  
父必而奇乃是夜光璧李侯有此子便可卧

安席家居樂與餌聊以止過客豈無一束芻  
空谷不可食宵人操寵利徒手捕螭蜥公等  
寧復然烏黑鵠自白屠龍業有用未厭所從  
僻富貴念昔時城東雪中跡

次韻太學舒博士堯文示同志

北門望瀛閔一葦初莫渡

項官大名堯文在高陽

堯儒宮

連案几會合豈非數蟬鳴幾何時庭菊下白  
露念當慰坐節觴酌美無度不然坐歲晚流  
景急飛兔區區人一馬官舍勤早暮經時桂

見贈彌月不能賦竹齋行茗粥寂寞當屢赴  
此君安可得霜雪不改故詩如戰交地高處  
要先據牛羨君故節輟鼎吾亦飲顧慙詠代  
檀無補餐已素還家便却掃况乃無戶屨

次韻蘇翰林五日揚州石塔寺烹茶

唐來木蘭寺遺跡今木戒僧鐘嘲飢後語出  
飢客古今公食方文玉茗攄噫噎當年臥江  
湖不泣逐臣袂中和似此茗受水不易節輕  
塵散羅翅亂乳蕪甌雪佳辰雜蘭艾共吊楚  
壘潔老謙三昧手心淨非口訣誰知此間妙  
我欲希超絕特誇淮北士湯餅供朝啜

題四弟以道橫軸畫

黃葉滿青山枯蒲靜寒水鳧雁下坡塍牛羊  
散墟里擔穫暮來歸兒迎婦窺籬虎頭無骨  
相田野有餘思

桂漿

暑臥午呀呷蠲煩何所投巖桂割辛芳石蜜  
滋甘柔沃以火鼎沸閔之水井幽三日出深

幕明瓊益黃流水火離坎顛意比林變繆辛  
甘既兩適不酒亦銷憂中年苦內熱歲願西  
風秋寒涼犯所畏蕪散資爾謀時時以觴客  
三獻不一酬緬思相累語啜醕終所著北斗  
酌此掾違世聊遠遊恐復迷吾往僕悲道阻  
脩淮南歸來此憊慄令人愁百壺無此餞夙  
志慕林丘寧懷小山感不為桂枝留

送舅氏楊通直令陽谷

人言慎縣宰頗似太丘君客戶有訓遣司官

無訟聞外家久寂寞舅氏以辛勤一邑何足  
道高名誰與群西來馬特特冬晚雪紛紛公  
朝道由砥孤士跡如雲過門苦地僻下直迫  
日曛深泥柱窮巷寒爐對殘燼感慨說先子  
飄零綴遺文麟閣窘鉉槩魚山失耕芸遠情  
等艱繫歸夢劇絲琴山東接畿甸陽谷近榆  
枌吏昔猛豺虎民如窟麀麋達達寬大時庶  
幾仁惠薰自笑下士策不殊野人芹愛民宜  
百祿本茂實當貧



贈王推官允中

我生譬天星，睨睨但空譽。學經羞輪扁，常恐  
老竄句南游。上會稽，弱冠肆遠步，便當期汗  
漫如鳥，鍛修羽入宮。又獨晚，謠詠遭衆媿，坐  
令平生交，室冷氈不具。君公墻東客，清鑒美  
無度。夙期山水意，千載見此遇。定疑丹青仙  
方我，以癡顧豈醫，不自踈閱世。真異趣，伐柯  
理無遠，要以一馬喻。古人本不死，方寸有佳  
處。三年禹河曲，日見車馬渡。何知謝剝啄，黃  
土衣易汙。無人尚有子，獨載城下路。功名喧  
口實，簪組託肺腑。請看餅罌滿，取蹟病不去。  
晚黏窺本初，洎子遺所寓。怵迫倦西東，林間  
尚寬裕。

之京師展墓

短轡馭羸馬，馳驅曹濟間。商飈折勁木，蕭瑟  
道里寒。况復慕所天，惻愴摧心肝。游子歎時  
邁，慈母憐衣單。來時憑窓哭，五妹垂脩鬟。季  
弟主菽粟，孺妻爨茅菅。悼我無今人，莫奉堂

上歡豈無萱草詩終日倚門闌念昔常獨立  
所聞詩禮難我尚未成人遭罹此憂患歲晏  
念墳墓化僞百哀攢何時奉靈車辛苦向此  
還親寡氣力微傍人祝加餐願言薄志節苟  
生無形顏

同畢公叔飲城東

西城昔相值桃初兩三紅翩翩驚長陌春風  
搖馬鬃後君歸幾日游絮已濛濛解鞍不待  
憇相命古原東芍藥雖俗巷狂姿幸時供平

生於知己千過不一逢感君一開口清洩出  
霑胸君如陶淵明不為五斗恭胡為青綸上  
朱墨粉外蒙棄官能從我短後追田翁銅斗  
釀秫麥竹枝弋鳧鴻何必悲無衣緼賡聯御  
冬九辯大高潔五噫苦羈窮置此無滑和夫  
情反其中市藥非市名名聞藥何庸十掾饋  
五掾猶畏聞者從如何鄴城畔夜夜生長缸  
題李秀才成季負日軒李自號  
天隨子  
盧敖遊八極末至北陰墟卒然蒙谷幽覩一

竒丈夫淚注而鳶肩深目玄鬚須軒：迎風  
舞自得樂有餘見教默弗言慢然下臂趨教  
私躡其後若士意不愉曰子亦何為迷繆至  
此乎此雖窮荒北尚或逢日烏過是有玄閔  
晦墨不可居語黃若欺魄攝身沒空虛始於  
讀秦記疑是忽帝徒今聆天隨言乃與夸父  
俱逐日下虞谷力窮尚嗟吁陽舒固物理我  
亦安于：若士獨何氣幽沈山海隅渾沌死  
已久人生信多塗

次韻李成季感事

吾廬無餘他文字散堆案雖微清溪鶴著書  
亦幽玩高人來何跡午榻動成鼾夢聞足音  
喜不侍搖枕喚居貧少烟火饘食尚須盱出  
門兀何之踉蹌從款段吾人古遺隱鳧足閑  
同患負日特獻君狐白不肯換商歌叩牛角  
長夜安得旦颼颼滿屋風黃葉散投慢屈原  
若靈竈出處思過半所從聊自知何用唐尹  
笑不如天隨生頭情終日岸况君擊莊岳一

念腸九轉人方臥  
大室子獨號其畔  
寒山來助哭  
咄爾勿嗟惋

同李王簿叔文飲北庄

蕭條辱收窮  
踈樹失穠紺  
北風動地起  
雲攬紅日暗  
李君邀我游  
餽藪治寒檐  
相携二三子  
歛若行節  
勘愧非谷口  
隱佳會良可  
暫茅堂兀四  
壁誰識此意  
淡古徑無俗  
尋陳編有幽  
瞰一聆君子  
語梁肉幾厭  
嚼歸來馬河  
北寂寞晚舟  
纜吾生事逃  
伏優游亦何  
憾

夏季

夏季百果繁  
兔葵亦成實  
獨有野石榴  
幽花時熠々  
熠々非獨好  
芳榮賴午日  
翩々彼白蝶  
鬚粗采挹  
睡餘起對此  
佳興亦蕭瑟  
良非阡陌麗  
敢競陽春出  
無言以成蹊  
上愧桃李質  
幸當飽霜餘  
萬顆富君室

曹州道中二首

天旱久不雨  
四郊多狂風  
蕭々班馬鳴  
落日太野中  
君子守宮廷  
至樂聖所同  
喟予不逢

辰足跡道里重

驅馬上高原秋風吹客衣感時有所懷送目  
鴻雁飛羸童惑歧道日暮相際稀愧彼倦翔  
鳥知還良庶幾

病起呈李縣令希孝

次公惡醒狂得酒要自濁病聞南隣邀不往  
亦踴躍空狀成展轉假寐風雨惡中虛氣襲  
送妾夢時可愕每慙張隱居凌旦蒺藜藥曉  
來天境清日出鳥語樂家人語南軒青杏已  
可嚼復云竹齋前堦祀有逆籜欣然欲舉手  
紉帽未能著平生李天子相得懷抱廓何當  
戒長髮夙駕惻寂寞枉杓恐不勝快語聊一  
噓

贈金堤劉承制景文

漆園說海若稷下談神州長劍堪倚天語大  
世莫酬以狂豈其然及此日月流稍知晝足  
非萬事指顧休夫子更高識未沫於前修乘  
流聊復融得渚正須留盖有幸遇魯何能必

為周徜徉下澤車驚駭入谷騶對酒尚清眼  
吟詩將白頭山陰論往事陳迹詎能收

次韻四弟以道十二弟叔與法王唱  
和兼示無斁弟二首

少年勇遊山說山喜動色中年謫南方塵阜  
將深歷當時不顛誦忘腰帶之

賊喜折屐只今竄林下織衣而稅食經懷再  
長士吾宗氣相得吾春種瓏李子曉尋嵩日  
似聞黃面子為採烏頭出去年陟岱宗一士

世莫識天門邀之下傾倒意已極斯人與人

異龍虎兩起忽重尋亦無路負南石崖圻

吾人伯仲間一謂可物色氣自寡所諧窮乃  
足所歷家風藐五世不肯邇人適意行無險

易又跣不著屐文詞如苦李慘腹人莫食猶  
矜不傳妙坐恐兒曹得學憐新又新老柰日  
復日伯以取恬愉何由採之出無斁能寡言

猶堪謝前識叔與氣尚豪措頤視屋極斯文  
惡表暴枯魚戒所忽應如魯官籀藏壁俟其

折

濟北晁先生鷄肋集卷第六

濟北晁先生鷄肋集卷第七

古詩

同劉景文登大安閣

劉侯先將軍忠義當代顯  
暗啞指戎虜却走  
自相踐西坡坐首鼠  
勢蹙不得免天憐壯士  
窮有子如此鮮清時  
鑄農器文字正須勉  
行吟畔罕愁憤排亦足  
遣時乃躡雲梯仰視天  
宇展下俯河兩涯牛馬  
細不辨達生匪行怪  
未用驚邑犬官閑尚數  
臨洵澤要清淡

次韻張著作文潛飲王舍人才元家  
時坐客戶部李尚書公擇光祿文少  
卿周翰大理杜少卿君章黃著作魯  
直

霜雪埋百花及時闌春陽城南有高士買屋  
入花藏經時不出門為花日忙我居在何  
許近止東數坊亦有佳公子連車換帷裳隔  
墻蜂蝶喧開戶草木香仙人朱桃椎髮綠童  
臉芳此公不可見此畫來遠方竹欹屠蘇塢

柳拂輓轡床素兒雖小亦足侑客觴尚書  
廊廟具氣若冰壺涼忘年此賓主吾黨有輝  
光人生走塵土歲月顏髮蒼曷不休沐暇過  
此薰修房宴坐二十年非癡實難量王才元  
未四十  
休張侯不出家在家說緣忘尚擬問西卿携  
肴供紅粧妍歌聽黃子不飲亦清狂

次韻范翰林淳夫送秦主簿觀

高詞自班馬短句亦陰何翰寫無窮已懷山  
赴壑波深耕待銍艾瘠飢乃嘉禾機雲共一



時未信來者多老病愧群豪魚山臨東阿蘇  
公門下客事業皆不磨孫寶暫主簿靈槎會  
窮河它年九功叙當使睦者歌業虛置牙羽  
篔簹復森羅鏞鐘欠一鐸未害大樂和却欲  
從浮海珊瑚爛紅柯龍門雖箭駛此志未蹉  
跎丹砂還黑髮流景爾則那仇池出一派分  
江定有沱事見蘇詩

次韻荅秦觀見贈

修身貴日新如草陳葉換請看絃上矢歲月

不可玩文章汚蛙釜虎以皮遘難茲事從古  
然吾黨奚獨悅秦君好學勇決勝百馬汗宵  
行委明月屢得按劍盼鄙夫晚更事前猛窘  
新悞憐君亦自誇意滿懷不散誰為傾國媒  
尚此瓊英餐期君似椽且無以無人慢

北京學直舍對客

鳥聲落簷間竹色在戶外解屣置几前放杖  
當椅背默然仰棟時往與古初會有時遺坐  
客十問不一對尚因呼乃覺笑自謝頑昧知

非慕蘧子事去等蜩蛻一生所未免飲食與  
眠睡所以更頽然可樂本非肉有心欲何用  
橋起則形累賴客同門生曠蕩乃不愧

虛齋

虛齋閉疎窓竹日光耿：更無司業酒但有  
廣文令人憐出入獨自喜往還省時作苦語  
詩幽泉汲修綆

直舍即事

秋雲多重陰凌旦亦可樂虛齋坐亭午寒雨  
依高閣王官有憂貴霖落河未落孝先但欲  
眠不柰弟子譴黃花迫晚景白露下叢薄獨  
當慰佳節得酒自斟酌

昨日雪已佳約李令希孝

昨日雪已佳今日雨已好水膚解萬木洗濯  
見枯槁思君對此坐孤詠廢幽討明日尚相  
期春禽聽清曉

同文潛送况之諫議十四文守路過  
成季作

午投李同年下馬汗如洗城南迫送客雖懶  
聊亦耳出門繚陂階白鳥起深蒂佛宮橫晚  
霽窈窕間一水借問客何人諫垣有直氣吾  
人浮丘伯聊可與把袂如此邂逅何得酒亦  
佳事官閑猶有守旋折窘六轡可憐千紅葉  
的皜姪晚市便當夙駕行秋風如箭駛

送梅校理子明通守杭州

金明池上柳人折一枝春贈子意不淺東游  
雲外身人生半刺史朱綬光四鄰此豈經世

懷但慰垂白親錢塘我舊遊頗復識其人不  
應山水改但恐猿鳥新章臺走馬客冠蓋盡  
要津竊祿我自慚便面聊障塵亦思一舟去  
共醉西湖濱時平自行樂不為千里尊歸來  
麒麟上獻納當及辰

送呂承奉至山從呂龍圖晉伯辟秦  
州機宜

去日劇奔驥新交非曩圖憐君事業長蔚若  
頤生鬚表東海者誰君世有顯儒端委論百

揆鞭弭雄千夫二陳詩禮伯八荀純綺雛嘗  
聞達大家可以濟八區功名望聖世忠孝自  
吾徒我昔拜秦州詞林炳於菟見謂可與言  
鋤荒而破觚剝中不宿穢味道因有腴斯文  
望若人顛沛一手扶白頭遠綏邊狐兔安足  
驅汲黯在朝廷永絕淮南觜平叔不聞羗事  
正今日須今君揆杖屨還向府中趨問評不  
棄捐寄聲亦踈迂何當質美義賣劍老樵蘇

曉發樓子莊

曉發樓子莊淮山自茲近春風似惱客浪穩  
舟不進長安一回首隄柳千里潤念當整帆  
席快若冬蟄奮微生讞拘窘來路嗟鄙吝林  
巷一迎笑巖鳥相借問塵埃改顏鬢堅白畏  
緇磷江海慰高情飄蓬自吾分

禮部移竹次韻李員外文叔

東南之美者見伐以直幹豈如此君踈猶作  
此卽玩此卽乃在此無乃材亦散平生吉甫  
頌意鄙放叔亂坐狂得此冷對竹頭憤岸尚

思殺青宮充宇白虎觀恐此愧子猷還成倚

楹歎

文叔有  
志史事

次開祖使君韻蕪呈端叔大夫聖域  
長老

神龍異兀馬頭角要湏歛邦公七歲時驚耳  
一語險悟身非常任風日過河減崢嶸法雲  
窟跳出有家範金剛不吐焰已落天魔胆一  
泓感慈中無波寒湛：是波本非水無以是  
礫點低枝競聽法草木有情感作解受群邪

砭砭疑琬琰居然身出定面目本來儼而我  
久塵勞見之良內歎周侯老詞句太華聳而  
黯自說少苦心修塗肆窮覽李侯遺世事不  
玩元無玷文采麗春葩百牘交千槩顧慙土  
炭嗜畏疾非著儉望不見水端譬河還少貶  
請佩伯陽言吾非勇於敢

次韻錢濟明贈感慈長老

我聞棲禪人一念超十地云何別影事未免  
依緣氣譬如幻男女機廢根隨廢不然怖頭

走此病窮三世邦公師子吼曾使諸天喜廣  
說無說時俱成甘露味不知室又如當有天  
來侍城隅竹塢近梵刹開嚴闕以彼穴中空  
清風自來萃我生久更事求愚不求慧清風  
已說法不用重宣偈開祖照人姿滄波白蘋  
際居然九奏妙往：魚龍戲濟明經世才凋  
松識寒歲懷寶 送邦此豈非良計名山尋  
勝士投老終深詣我自所蘄庶蟬葉真堪蔽  
送八弟無數案寶應

窮邦迫秋成霖雨厚土濕遭吾上涑水渾泡  
三峽疾邦人送之子岸潦飲馬膝淒：屬芳  
升澹：驚並集衝湍順塗路游波滙原隰安  
知永黍腐轉覺蛙龜急何由乾此潦問天借  
九日蕭：荆棘晚疊：霜霰密之子向南州  
銅章案一邑何須念宋遠古謂跂余及揚舲  
堤柳盡把醜淮山入封圻吳楚徼郡縣秦漢  
襲開門駟僮關輦浦篙帆翕平旦書百函交  
衢客三揖新湖容鼓鑄甲令貴綏輯之子蹇

詞科聞詩不讀律古來學為吏頗自吾儒出  
足民與知方求由有政術鞭笞磨鹿駭亦恐  
日不給先君卓魯後之子况蚤立焚香閉閣  
坐嗽耳從渠澱官忙尚偷閑文字要業炭

和閔承議彥遠水樂

上盆五尺高下盆二尺廣咿啣蟻穴間飛瀑  
一線響閔侯初為此避世挹蕭爽晁子亦欣  
然閉戶穿瓦盎虛堂一畝靜純白四隅敞中  
央渾沌胚儵忽所來往鑿竅令語言豈但一

成兩危峯下俯瞰石井黝然仰奔泉決壻落  
慘澹陰壑想明珠溢盃盃白露濕塵埃聲音  
通大道斷竹自誰賞何曾屢擊闌餅缶日夜  
長初疑風隕籥驟雨來莽蒼乍似酒落槽夜  
枕聽恍惚鳴琴雜啁哳物彫亂眇蠻相依欠  
林樾見蔽賴帷幌范侯驚側耳李公笑抵掌  
張侯助我懶不憶稅歸鞅雲間余仲第聊可  
樂吾黨中和非外物此理未宜因相勸戒勿  
傳名字遍天壤撞鐘鼎食事老罷不知饗但

怪一世狂端如轉車輞能來解幅巾為子濯  
泚穎  
送君  
送君上馬時不道朝爐燠春風入木心  
皮肌  
簇紅綠春風良易暮那得勤行路且莫望南  
牕蝴蝶飛無數

上馬

上馬笑屬君歸期在十日來時草白芽  
歸時青鬱鬱來嗔馬蹄急歸嗔馬蹄緩  
人心自如

此馬蹄終不變

試院次韻文潛欲知歸期近呈天啟

慎思

眉山得張侯心許出一手臨川見蔡子千載  
慰邂逅鄧君起南國磊磊看三秀譬如黃鍾  
陳我尚危釜吼欲知歸期近喚馬牽出廐官  
壺持餉婦傾寫不清口千章翰明堂勿問草  
澤有群公自凜凜水鏡照妍醜

栽花招泗州叔父



春園移春茂芽孽航粒大東風日：吹噴吐  
不暇畏楊稍青猶未飛萼紅尚可田蔬美已  
寂村醕醇亦頗少年慕立事幸得能幾個艱  
難合歸來茅屋聊共佐

濟北晁先生鷄肋集卷第七





